

24.02.2015.



Udruženje poslodavaca BPK Goražde i Vlada BPK Goražde su danas održali sastanak u cilju sagledavanja stanja goraždanske privrede i opterećenja u privredi sa kojima se suočavaju privrednici. Udruženja poslodavaca je napravilo analizu fiskalnih i parafiskalnih nameta koju opterećuju njihovo poslovanje, te su tu analizu danas iznijeli i zatražili od Vlade BPK Goražde da sagleda i ocijeni imali prostora za smanjenjem određenih nameta. Dogovoreno je da Upravni odbor Udruženja poslodavaca sačini prijedlog svih izmjena i dostavi Vladi BPK Goražde koja će razmotriti zahtjeve i eventualne izmjene uputiti Skupštini na daljnje usvajanje.

Na sastanku se takođe razgovaralo o publikaciji koju je izdalo Federalno Udruženje poslodavaca u saradnji sa kantonalnim udruženjima pod nazivom „Kako do povoljnijeg poslovnog ambijenta – šta poslodavci očekuju od Vlasti“ u kojem su obuhvaćene sve mjere kako bi se došlo do povoljnijeg ambijenta za privređivanje i izmjene mnogih zakona koji bi unaprijedili poslovanje i rasteretili privredu mnogih nameta koji su najveću u regiji, pa čak i u Evropi.

Razgovarano je i o unapređenju rada Ekonomsko-socijalnog vijeća i ulozi ove vrlo važne institucije koja obuhvata tri socijalna partnera Vladu, poslodavce i sindikat, te o mogućnosti da se mnogi problemi mogu riješiti upravo preko ove institucije.

Premijer BPK Goražde je zamolio predstavnike Udruženja poslodavaca da se maksimalno uključe u izradu Strategije razvoja BPK Goražde i dadnu svoj maksimalni doprinos sa svojim idejama i slično.

Predstavnici Udruženja poslodavaca su upoznati i sa povoljnom kreditnom linijom BBI i Zirat banke koja će uskoro ići i zamoljeni da upoznaju svoje članstvo i privredne subjekte da se uključe oko toga.



Na kraju sastanka razgovarano je o inicijativi formiranja Savjeta za ekonomiju u koji bi bili involvirani važni privredni subjekti kao i predstavnici Udruženja poslodavaca, koji bi svojim praktičnim savjetima davali smjernice Vladi u kojem pravcu ići u cilju razvoja privrede i ovog prostora uopće.